




VIA SAKRA

Dala hira, Na'i, mak ha'u mós kondena Ita **ho ha'u-nia hahalok...**



I- PILATOS KONDENA
JEZÚS BA MATE



«Maibé sira hakilar
nafatin: “Hedi Nia ba
krus! Hedi Nia ba krus!”

...nia dehan ba sira:
“Nia halo aat sa? Ha'u
la hetan sala ida atu
oho Nia.

(Lc 23, 21-22)

Hananu: Inan terus lun turu, hari lerek Krus ain, foti matan
ba nia Oan.

Na'i, Ita lori krús ne'ebé ha'u rasik mós halo **ho ha'u-nia salan sira...**



**II - EMA TAU
KRÚS TODAN
IHA JESUS NIA
KABÁS**



**NIA LORI IHA NIA
KABÁS ITA-NIA SUSAR
SIRA, NIA FOTI ITA-NIA
TERUS SIRA...**

(IS 53, 4)

**Hananu: Oan doben, loke liman, hedi An iha krus, mate
tanba ita ema.**


TULUN HA'U ATU HAMRIIK HIKAS HO ITA **BA MORIS FOUN IDA IHA
LIBERDADE OAN SIRA-NIAN**

**III - ITA NA'I JEZÚS
KRISTU MONU BA RAI BA
DALA ULUK**



...Ema hanehan nia
tanba ita-nia hahalok
aat sira

(Is 53, 5)



Hananu: Ita ema nia sala halo Kristu nia raan suli, halo
mós nia Inan terus

**JEZÚS SADIK HA'U-NIA MORIS; HA'U TENKE SAI HUSI HA'U-NIA AN NE'EBÉ
LA RESPONSABEL NO EGOISTA BASÁ HALAKON GRASA NIA KBIIT**

**IV - JEZÚS, HASORU
NIA INAN, MARIA
VIRJEM**




...no surik ida sei sona
borus ita nia fuan

(Lc 2, 35)



Hananu: Inan terus ho nia Oan, terus ho ita Maksoin, neon ho laran ida de'it.

Ha'u mós simu bolun atu sai Simaun ne'ebé tulun ema atu fila fali ba Maromak.



**V - SIMAUN SIRENEU
TULUN JESUS LORI
KRÚS**




Sira kaer ema ida
naran Simaun husi
Sirene, Alexandre no
Rufo nia aman, ne'ebé
fila dau-daun husi
to'os, atu lori krús

(Mk 14,21)

Hananu: Neon ho laran ida deit, saran Oan ba nia Aman, atu soi Adaun nia oan sira.

**NO KRISTU KONTINUA TERUS IHA MAUN-ALIN SIRA TANBA HA'U LA
IHA KORAJEN ATU SAI KOERENTE HO HA'U-NIA FIAR?**



**VI - VERÓNICA
HAMARAN JEZÚS
NIA OIN**



*...Imi buka Na'i nia oin:
Ita-nia oin Na'i, ha'u
buka. Keta haksumik ita
oin...*

(Sl 27, 8-9)

Hananu: Adaun oan sira ne'e fiar, hein iha Maria feto ida, feto-raan.

**IMPORTANTE MAK HAMRI'IK HIKAS BEIBEIK, MASKI MONU DALA RIHUN
IDA, BASÁ MAROMAK NIA LARAN-SADIA BOOT LIU SALAN HOTU.**

**VII - JEZÚS MONU BA
DALA RUA**



**Tanba ó ha'u terus
liafuan aat no ha'u-nia
oin taka ho moe**

(Sal 69(68), 8)



**Hananu: Feto-raan ida ne'e Na'i Maromak mak hakotu atu ko'us
Maromak Oan.**


Sentimentalizmu, matan-been fasil sira **bele sai** máskara ida ba ita-nia absentizmu **duké prezensa loloos ida ba ema ne'ebé sofre...**

**VIII – JEZÚS
HASORU FETO
SIRA JERUSALÉM
NIAN**



“Jerusalém nia oan-feto
sira, imi keta tanis tanba
Ha'u; di'ak liu tanis tan
imi an rasik no tan imi
nia oan sira.

(Lc 23, 28)



Hananu: Maromak Oan nia Inan sama ona diabo ulun; Nia Virjen sala-laek.

**AMAN MAROMAK NIA DOMIN BA EMA SIRA DUDU JEZÚS ATU HAMRI'IK
HIKAS NO LORI TO'O ROHAN MUNDU NIA SALVASAUN. NO HA'U OINSÁ
REAJEN BA DIFIKULDADE NO SUSAR SIRA MORIS FIAH NIAN?**



IX - JEZÚS MONU BA DALA TOLU



**Ita ne'ebé maka'as sei iha
pasiénsia ba ema kbiit-
laek nia sala, hodi la buka
ita rasik nia ksolok.**

(Rom 15, 1)

**Hananu: Maria Virjen sala-laek terus tanba ita sala ita Inan
kmanek liu.**

**JEZÚS TERUS IHA EMA BARAK NE'EBÉ EMA HASAI SIRA-NIA DIGNIDADE NO OHO.
ATU HA'U HATENE FÓ HATAIS BA EMA ISIN TANAN NO SAI INSTRUMENTU
KOMUÑAUN NIAN LA'ÓS DIVIZAUN NIAN.**



**X – EMA KOLU
JEZÚS HUSI NINIA
HATAIS SIRA**



**Tuir mai sira dada sorte
atu fahe ba malu Jezús
nia unuk sira.**

(Lc 23,34)

**Hananu: Ita Inan kmanek liu Jezús rasik mak haraik
iha Saun Joaun nia oin.**

**HODI LIBERTA ITA LIUHUSI TERUS KRÚS NIAN, JEZÚS HATENE KATAK, ITA MÓS,
DALABARAK TENKE ENFRENTA KRÚS ATU SAI FIÉL BA ITA-NIA BATIZMU.**

**XI – EMA HEDI
JEZÚS IHA KRÚS
HO BESI-KUSAN**



**Soldadu sira mós hamoe
Nia, hodi hakbesik atu fó
ba Nia tua-siin...**

(Lc 23,36)



Hananu: Iha Saun João nia oin, Maria rona Jezús lian: "Ida ne'e mak ó nia oan".

**LA IHA EMA IDA IHA DOMIN BOOT LIU IDA NE'EBÉ SARAN NIA MORIS BA NIA
BELUN SIRA. HA'U FALI BELUN OINSÁ LOOS BA ITA, HA'U-NIA NA'I?**

**XII – JEZÚS
MATE IHA KRÚS**



**“Aman, iha Ita liman
Ha'u saran Ha'u nia
klamar”. Dehan tiha
ne'e, Nia iis kotu.**

(Lc 23, 36)



Hananu: "Ida ne'e ó nia oan, ida ne'e ó nia Inan", Jezús lian ikus ona.

**OH MARIA, TO'O BAINHIRA ITA KONTINUA TANIS BA MEMBRU SIRA SELUK
ITA-NIA OAN NINIA ISIN MÍSTIKU NIAN?**



**XIII – EMA HATÚN
JEZÚS NIA ISIN MATE
HUSI KRÚS**



**Hatún tiha husi krús, nia
falun tiha Nia ho hena
mutin...**

(Lc 23, 53)

Hananu: Jezús lian ikus ona, hasa'e ba Aman nia-An nia iis kotu ona.

HA'U IHA HATENE, HANESAN MARIA, FIAR IHA MORIS-HI'AS DEPOIZDE SÁBADU SANTU?



XIV – EMA TAU JEZÚS IHA RATE



*... sira tau Nia iha rate
foun ida ke'e iha fatuk,
iha ne'ebé seidauk
hakoi ema ida.*

(Lc 23, 53)

Hananu: Nia iis kotu ona, Inan simu nia isin maten, hodi fiar moris hias. Amen

XIV – JEZÚS MORIS-HI'AS !

Ha'u-nia moris sarani labele sai rate ida ne'ebé taka metin:
ha'u tenke haklaken ba ema hotu katak Jezús moris-hi'as!

TRIGU MUSAN LA MATE KARIK SEI LA FÓ FUAN.



Tama tiha iha laran,
sira la hetan Na'i
Jezús nia isin...
Tansá imi buka
ema moris iha mate
sira leet? Nia la iha
ne'e; Nia moris hi'as
ona!

(Lc 24, 3.5-6)